

乾
隆
鄞
縣
志

鄞縣志卷十五

人物

明

楊守陳字維新祖範嘗誨守陳以精思實踐之學舉景泰二年進士改庶吉士授編修成化初充經筵講官進侍講英宗實錄成遷洗馬尋進侍講學士同修宋元通鑑綱目孝宗出閣爲東宮講官時編文華大訓事涉宦官者皆不錄守陳以爲非備列其善惡得失書成進少詹事孝宗嗣位宮僚悉遷秩執政擬守陳南京吏部右侍郎帝舉筆去南京字左右言劉宣見爲右侍郎帝乃改宣左而以守陳代之宏治改元正月上疏曰孟子言我非堯舜之道不敢

陳於王前夫堯舜之道何道書曰人心惟危道心惟微惟精惟一允執厥中此堯舜之得於內者深而爲出治之本也詢四岳闢四門明四目達四聰此堯舜之資於外者博而爲致治之綱也臣昔忝宮僚伏覩陛下朗讀經書未嘗勤瘁問以究聖賢奧旨儒臣略陳訓詁未嘗進詳說以極帝王要道是陛下得於內者未深也今視朝所接見者大臣之丰采而已君子小人之情狀小臣遠臣之才行何由識退朝所披閱者百官之章奏而已諸司之典則羣吏之情弊何由見宮中所聽信者內臣之語言而已百官之正議萬姓之繁言何由聞恐陛下資于外者未博也願遵祖宗舊制開大小經筵日再御朝大經筵及早朝但如舊儀

若小經筵必擇端方博雅之臣更番進講凡聖賢經旨帝王大道以及人臣賢否政事得失民情休戚必講之明而無疑乃可行之篤而無弊若夫前朝經籍祖宗典訓百官章奏皆當貯文華殿後陛下退朝披覽日令內閣一人講官二人居前殿右廂有疑則詢必洞析而後已一日之間居文華殿之時多處乾清宮之時少則欲寡心清臨政不惑得於內者深而出治之本立矣午朝則御文華門大臣臺諫更番侍直事已具疏者用揭帖略節口奏陛下詳問而裁決之在外文武官來觀俾條列地方事口陳大要付諸司評議其陞辭赴任者隨其職任而戒諭之有大政則御文華殿使大臣各盡其謀勿相推避不當則許言官駁

正於奏事辭朝諸臣必降詞色詳詢博訪務竭下情使賢才常接于目前視聽不偏于左右合天下之耳目以爲聰明則資於外者博而致治之綱舉矣今官鮮廉恥之風士多浮競之習教化凌夷刑禁弛懈俗侈而財滋乏民困而盜日繁列衛之城池不修諸郡之倉庫鮮積甲兵朽鈍行伍空虛將驕情而不知兵士疲弱而不習戰一或有警何以禦之此臣所以朝夕憂思至或廢寢忘食者也帝深嘉納後果復午朝召大臣而議政事皆自守陳發之尋以本官兼詹事府專事史館卒諡文懿贈禮部尙書

明史本傳

楊守陞字維立守陳弟也成化初鄉試第一入國學祭酒邢讓下獄率六館生伏闕訟寃十四年進士及第授編修

董琳字廷瑞景泰五年進士除南京監察御史時留都戶
兵刑工四部尙書及國子祭酒皆不職遂抗章論之錦衣
衛指揮劉敬父子怙勢肆虐特疏其不法竟黜敬而成其
子風裁凜然轉山東按察僉事遭疾乞歸卒

李
志

董鑰字啟之琳子宏治三年進士初爲上海令政聲籍甚
丙擢監察御史時山東按察副使楊茂元以論太監李興
平江伯陳銳治河不法事并及外戚興銳誣爲妖言張后
尤怒之逮下獄鑰上疏論救人服其敢言既而出按雲南
鎮守太監孫景與參將盧和交構累經按鞠莫敢決鑰承
旨一訊輒得其情皆置大辟及劉瑾竊柄矯詔逮之勒令
致仕瑾誅復召以病不起

李
志

董鏊字濟之鑰之弟登正德六年進士授戶科給事儀表
英偉武宗以董長子呼之每遊燕媒襄必問董某在否蓋
憚之也嘗疏陳時政六事切中當世弊忤權貴復爲同進
者所擠謫溧水丞後武宗忽問其姓名將復用而鏊已卒
初在京邸有藩伯以重賄遺一大僚黃姓者其使誤黃爲
黃遂投于鏊遂召其使還之終不發其陰私其謹厚如此
子洛領嘉靖元年鄉薦仕鬱林知州孫根以歲貢任教諭
曾孫元煜領萬歷三十一年鄉薦以儒術世其家邱志
董銳鏊之弟好行善歲饑出粟煮糜活數千人又捐二千
金代貧民之逋郡守上之朝賜七品散官一夕有五十人
叩門將行刼銳飲之酒人予五十金語之曰人生宜自愛

吾豈不能置若等于法乎皆俯首謝去越五載諸人各攜金踵門曰日賴君惠經營孳息皆成家計今以奉還一時傳爲異事歲暮得遺金子旅舍畱待之踰年有號慟而來者銳曰吾爲若畱久矣舉所拾授之城西艱徒涉捐貲造望京橋至今賴焉

曹志

子瀚字宗理正德十一年舉人知費縣里正歲斂民錢爲贄瀚却之有同產訟者母庇幼子而誣長以不孝瀚諭以孝慈民泣謝焚詞而去孫大晟以博

洽稱

邱志

錢璉字廷珍父象爲建陽典史鄧茂七反犯所治象率民壯擊却之有媚其功者譖于監軍曹吉祥遂逮治璉扶象聽鞫鞫者冒之璉曰父子天性也豈有父受枉而子不侍

者乎鞠者見其幼卽以父子主恩命題作七藝璉立就鞠者歎曰象有子如是何必爲此卑官遂白其誣後登景泰五年進士除監察御史歷任雲南江西按察使遷福建左布政使所在有聲以忤時左遷甘肅行太僕卿廐馬蕃息邊兵用是以強孝宗初尙書王恕將舉璉適考績入京道病連章乞休人皆高其勇退璉世居梅江瀕江田多苦淹沒璉與兄珪首捐貲創築長堤計二百八十丈被其利者三邑七鄉民稱曰錢公塘珪亦好義嘗輸粟賑關西詔階

承事郎

聞志

屠浦字朝宗登成化二年進士試監察御史時王鉞掌院事大器重之所論列參駁皆自浦手勅往湖廣盤糧已又

萬兩求變其獄守隨持之堅獄不得解韓文等以論八黨
逐守隨憤獨上章極論之曰內臣劉瑾等八人奸險佞巧
誣罔恣肆人目爲八虎而瑾尤甚日以荒縱導陛下或在
西海擊鷹搏兔或于南城躡峻登高禁內鼓鉦震於遠邇
宮中火礮聲徹晝夜淆雜尊卑陵夷貴賤引車騎而供執
鞭之役列市肆而親商賈之爲致陛下日高未朝漏盡不
寢此數人者方且竊攬威權詐傳詔旨放逐大臣刑誅臺
諫邀阻封章廣納貨賂傳奉冗員多至千百招募武勇收
及孩童紫綬金貂盡予爪牙之士蟒衣玉帶濫授心腹之
人附已者進官忤意者褫職內外臣僚但知畏瑾不知畏
陛下向也二三大臣受遺夾輔今則有潛交默附漏泄事

機者矣向也南北羣僚矢心痛疾今則有畫策主文依附時勢者矣而且數易邊境將帥之臣大更四方鎮守之職志欲何爲夫太阿之柄不可授人今陛下於兵刑財賦之區機務根本之地悉以委之或掌團營或主兩廩或典司禮或督倉場大權在手彼復何憚伏望大奮乾剛立寘此曹重典遠鑿延熹之失毋使臣蹈蕃武已覆之轍疏入帝不省瑾輩深銜之傳旨致仕守隨去李興遂以中旨免死矣瑾憾未釋三年四月坐覆讞失出逮赴京繫獄罰米千石輸塞上踰年復坐庇鄉人重獄除名追毀誥命再罰米二百石瑾誅復官又十年卒年八十五贈太子少保諡康簡從弟守隅由進士歷官江西參政有政績寧府祿米石

徵銀一兩後漸增十之五守隅入請于王裁減如舊瑾惡

守隨並罷守隅官瑾死後起官四川終廣西布政使

明史本傳

楊茂元字志仁守陳子成化十一年進士刑部郎中出爲湖廣副使改山東宏治七年河決張秋詔都御史劉大夏治之復遣中官李興平江伯陳銳繼往興威虐繫辱按察使茂元攝司事奏言治河之役官多而責不專有司供億日費百金諸臣初祭河天色陰晦帛不能然所焚之餘宛然人面具耳目口鼻觀者駭異鬼神示怪夫豈偶然乞召還興銳等專委大夏功必可成且水者陰象今后戚家威權太盛假名姓肆貪暴者不可勝數請加禁防以消變異畫工藝士宜悉放遣山東既有內臣鎮守復令李全鎮臨

清宜撤還疏入下山東撫按勘奏言焚帛之異誠有之所
奏供億多過其實于是與銳連章劾茂元妄詔遣錦衣百
戶胡節逮之父老遮道愬節乞還楊副使及陛見茂元長
跪不伏帝怒置之詔獄節備言父老愬冤狀中官多感動
會言者交論救部擬贖杖還職特謫長沙同知起安慶知
府遷廣西左參政正德四年劉瑾遣御史孫迪校勘錢穀
索賄不予瑾又惡茂元從父守隨遂勒致仕瑾誅起官江
西尋遷雲南左布政使以右副都御史巡撫貴州改莅南
京都察院終刑部右侍郎弟茂仁字志道成化末進士歷
刑部郎中遼東鎮守中官梁玘被劾偕給事中往按盡發
其罪終四川按察使

明史本傳

秩滿故事無遷留都者會從兄守隨爲李孜省所逐欲并
逐守陟乃以爲南京侍讀宏治初召修憲宗實錄直經筵
再遷侍講學士給事中龐泮等以救知州劉遜悉下獄吏
部尙書屠浦奏遣他官攝之守陟貽書極詆浦失十年大
計京官守陟時掌院事言臣等各有屬員進與吏部會考
所屬則坐堂上退而聽考又當候階下我朝優假學士慶
成侍宴班四品上車駕臨雍坐藝倫堂內視三品此故事
也今四品不與考察則學士亦不應與詔可學士不與考
察自守陟始修會典充副總裁尋遷南京吏部右侍郎嘗
署兵部陳時弊五事考績入都會典猶未成仍畱爲總裁
事竣遷左侍郎還任進二秩武宗立引年乞休不待報竟

歸詔加尙書致仕劉瑾亂政奪其加官瑾敗乃復久之卒
守陟博極羣書師事兄守陳學行相埒其爲解元學士侍
郎皆與兄同又對掌兩京翰林院人尤艷稱之守陳卒守
陟爲位哭奠者三年

明史本傳

楊守隨字維貞守陳從弟也舉成化二年進士授御史巡
視漕運覈大同軍餉巡按江西所至以風采見憚六年疏
陳六事言郟王受命艱危時削平禍亂功甚大歿乃謚以
戾公論不平此非先帝意權奸逞私憾者爲之也亟宜改
易尙書李秉劾忠守法爲蕭彥莊誣劾致仕乞卽召還律
令犯公罪者不能近御史朱賢婁芳等並除名乞復其官
且戒所司毋法外加罪一以律令從事西征之役以數萬

甲兵討出沒不常之寇千里轉輸曠日持久恐外患未平內地先敝乞速班師戒邊臣慎封守近例軍官犯罪未結正者遇赦卽原致此曹遷延以希僥免自今衆證明白者卽據律定案毋使逃罪雖遇赦免亦不得管軍在外官俸兵餉有踰年不給者由郡縣蓄積少也請于起運外量加存畱以濟乏匱疏奏時不能從太常少卿孫廣安母喪起復守隨與給事中李和等連章論之乃令守制八年冬以災異陳時政九事廷議四方災傷停遣刷卷御史會昌侯孫繼宗請并停在京者守隨言繼宗等任情作奸恐罪及假此祈免帝置繼宗不問而刷卷如故山東饑廷議吏納銀免考授冠帶守隨極言不可帝卽罷之擢應天府丞未

上母憂歸服除無缺添註視事初李孜省授太常寺丞因
守隨言改上林監副憾之至是譖于帝中旨責守隨不當
添註調南寧知府宏治初召爲應天府尹勘南京守備中
宮蔣琮罪琮嗾其黨郭鏞劾守隨按給事方向獄不公諫
廣西右參政久之進按察使八年召爲南京右僉都御史
提督操江歷兩京大理卿九載滿進工部尙書仍掌大理
寺刑部獄送寺覆讞者多加刑主事朱瑩論其非守隨言
自永樂間寺已設刑具部囚多未得實安得不更訊乃寢
瑩奏正德元年四月守隨奏每歲熱審行於京師而不行
于南京五歲一審錄詳于在京而略於在外皆非是請更
定其制報可中官李興擅伐陵木論死令家人以銀四十

巡按四川皆有著政後用鉞薦陞右僉都御史累遷右都御史以李孜省黨媒孽改南京宏治改元勅總督兩廣軍務柳州諸處舊皆番戍風土殊習比歲死亡過半瀟爲區處分戍多所全活入掌南京院事尋陞左都御史加太子少保時災異疊見歷疏時弊二十事悉允行九年轉吏部尙書進退黜陟無所私每注選至烟瘴地多濡筆不下必擇宜其風土者爲之因奏爲著令時多內降官瀟因論奏謂天下士事詩書而躬案牘突銛鋒而竭筋力者積數十年不得官而白身之人奔競乞憐或緣技藝蒙幸如拾芥不可以爲訓由是內降稍減言官有欲開納馬之例者瀟抗疏曰朝廷倉庫及太僕見積尙多釋不用而開是例萬

一聞於北敵將謂中國空竭且生戎心議遂格清寧宮新成詔許番僧入宮慶讚滿率大臣再疏諫止給事中魏珏等因事下獄又率衆極論出之尙書周經將謝政滿疏其剛方有爲不宜輕遂其去及召問執對愈堅欽天監奏彗星見滿會九卿條陳十餘事曰早視朝勤聽政汰冗員節財用省差遣處莊田清鹽法申禁例脩武備壯軍威恤官軍恤邊民停改造惜供應黜異端警驕惰防詐僞皆切時弊已而乞終養歸適丁外艱居于家武宗卽位馳勅召之仍以太子太傅吏部尙書兼左都御史掌院事劉瑾顯權嫉言官累因言事欲罪之滿曰此滿實主之御史稟承而已又大起羅織之獄欲於律外比擬滋重滿執不應瑾宿

憾前兵部尙書劉大夏假田州岑猛事逮繫詔獄欲坐以
激變瀆言檢律劉尙書無死法卒得減有御史巡按雲南
瑾誣以枉道瀆力白其非乞疏解任歸瀟平生以廣言路
惜人才爲先嘗謂手持此筆掌刑獄惟恐誤殺一人掌銓
衡惟恐誤黜一人其存心大都如此子徑山進士試中書
進吏部郎中詩賦書翰尤雄一時

嘉靖志參明史
稿劉大夏傳

章銳字元進成化八年進士歷任刑部剖析滯獄如老吏
出知鳳陽府孝宗卽位應詔上言鳳陽軍民利弊及時政
闕失明年復上陳十八事言極愷切在郡減修陵之用至
數萬歲旱爲疏籲神自引罪請無貽民病雨輒應復疏請
蠲稅三之二陞湖廣參政督監衡州雍邱省工費不貲錦

田苗獠反銳蒙犯霜露以孤軍深入平之至臨武感疾卒
子濟以孝友稱從孫槃字邦貞由進士歷監察御史廣西

按察僉事以治行稱

開志

章鎰字元益銳之弟成化二年進士選庶吉士改兵科給
事中彈劾不避權貴會妖僧繼曉得幸王公貴戚皆膜拜
受戒鎰極論其左道亂風俗乞正典刑以清朝紀疏入繼
曉遂失寵不敢肆惑一時直聲大震陞都給事論列益切
權豪斂迹時同邑毛宏亦在諫垣都人爲之謠曰毛黃門
口章黃門手毛章在朝神驚鬼走後威寧伯王鉞鎮邊殺
平民首級邀賞鎰發其姦及鉞掌京營虧耗卒伍復連章
論之反爲所中遂挂冠歸以詩文自娛不涉外事久之卒

李

金澤字德潤成化二年進士授刑部主事歷任郎中讞獄
明允遷四川參議播州宣慰厚饋以金幣毅然麾之至以
庶長奪嫡竟置之法革三長官司撫安七十二寨夷民駢
首歸命流賊蝟聚焚掠澤前後設畫偵其渠魁而殲之夔
賊野王剛猖獗命三省督兵會勦澤下重賞之令竟磔剛
于市陞廣東布政使顛寇陸梁擢右都御史巡撫江西總
制閩襄南廣使宜從事澤紀律嚴明羣盜俘馘殆盡諸蠻

向化

嘉靖志

盧瑀字希玉成化五年進士爲刑科給事中疏蠲淮揚逋
課十餘萬清西北勒市戰馬宿弊常觸帝怒杖之遷工科

都給事中二十一年因星變陳言獲譴貶長沙通判終廣

平知府

明史附
汪奎傳

瑀在刑科劾巨璫田興梁訪等竊柄引用

姦僧繼曉妖術罔上事直聲大振溫州衛指揮戴勲以遺
孤爲庶長所孽庶長賊結當路多爲之地瑀言于兵部尙
書馬文升事竟直已而勲知之以二百金賄瑀母喪峻却
之弱冠時有隣女手製紈袴遺之毅然斥去終身不趾其

門

嘉靖
志

朱瑄字廷璧第成化五年進士授工部主事督修通州倉
漕舟例有輸納概却之監稅蕪湖嚴禁法外苛征歲入溢
常額改兵部郎中奉命賑饑鳳翔稽戶定籍按數以給復
貸穀種牛具招流民歸耕所活數十萬計歷陞河南右布

政使擢右副都御史巡撫南畿江南屬邑多無主逋糧鄉里歲受其累疏請蠲免秋稅折布錢每重派下戶而勢豪家得私免瑄立法均之京邑科差煩重禁有司毋額外擾民以疾請老瑄跋歷中外幾四十年家無餘祿歲饑都御史王璟奉命賑濟饋米四十石瑄謝曰饑民則有之豈有饑官乎當道嘗檄樹綽楔固辭曰費官錢煩民力不忍爲也兒童有戲以紙錢相貨者父老曰朱都堂尙不愛真錢若輩乃用假錢乎其爲人信服如此

四明支獻志

張曷字仲明其先慈谿人祖楷都御史後徙鄞曷舉成化八年進士授鉛山知縣性剛明不惑神怪有嫁女者及門而失女兩家互訟官不能決曷行邑界見大樹妨稼欲伐

之從者言樹有神不可伐曷不聽率衆往有衣冠三人拜道左求宥叱之忽不見比運斤血注曷怒手斧之卒仆其樹樹巔有巨巢墮二婦人言爲狂風吹至樓上與三少年俱其一卽前所失女也有巫能隱形淫人婦女曷執而痛杖之無所苦已并巫失去曷馳縛以歸以印印巫背鞭之立死乃盡毀諸淫祠寡婦子爲虎所噬少年欲難曷代婦書牒請得虎抵罪曷與婦期五日乃齋戒祀城隍神約繫虎至及期二虎果伏庭下叱曰食吾民者法當死無罪者免一虎起斂尾去一虎伏不動曷射殺之以畀婦一縣稱神君鉛山俗婦人夫死輒嫁有病未死先受聘財供湯藥者曷欲變其俗令寡婦皆具牒受判署二木曰羞願嫁者

跪之曰節願守者跪之民傳四妻祝氏不欲嫁舅姑給令
跪羞木下梟判從之祝投後圃池中死俄而邑大旱梟意
有冤獄夜宿神祠夢婦人泣拜覺而識其里居姓氏往至
婦家啟土貌如生梟哭之慟曰殺婦者吾也爲文以祭天
遂大雨乃罪其舅姑而改葬婦諸異政多類此擢南京御
史宏治元年七月偕同官上言頃陛下免喪遣官告孝陵
將祭陰雲忽變暴風大作豈皇祖神靈以是啟陛下俾益
謹履霜之戒歟請略陳之邇者臺諫交章論事矣而扈蹕
糾儀者不免錦衣捶楚之辱是言路將塞之漸也經筵既
舉矣而封章累進卒不免寒暑停免之說是聖學將怠之
漸矣內倖雖斥梁芳而賜祭仍及便辟是復啟寵倖之漸

也外戚既罪萬喜而莊田又賜皇親是復縱姻婭之漸也左道雖斥而符書尙揭於宮禁番僧旋復于京師是異端更興之漸也傳奉雖革而千戶忽除張質通政不去張苗是傳奉復啟之漸也織造停矣仍聞有蟒衣斗牛之織淫巧其漸作乎寶石廢矣又聞戚里不時之賜珍玩其漸崇乎詩云靡不有初鮮克有終願陛下以爲戒帝嘉納之先是雷震孝陵栢樹曷與同官黎鼎共劾大學士劉吉等十餘人其冬曷奉命閱軍軍多闕伍曷欲奏之守備中官蔣琮怒反奏曷擅作威福章下內閣吉修隙擬黜之尙書王恕再疏爭言官亦論救乃調南京通政司經歷用薦起四川僉事富豪殺人屢以賄免御史檄曷治果得其情尋進

副使守備中官馬某將進術士周慧于朝曷擒慧論徙之
極邊歲餘引疾歸環堵蕭然都御史王璟以賑荒至餽百
金堅拒不受璟固請乃受下戶饑民例一分以答其意知
縣丁洪曷令鉛山所取士也且夕候起居爲具蔬食曷曰
吾誠不自給奈何以此煩令君卒弗受及卒含殮不具洪
爲經紀其喪

明史稿

李堂字時升八歲日記數千言甫成童督學胡榮試其文
大奇之卽廩于郡庠登成化二十三年進士授工部主事
監稅蕪湖時中官宋昂估巨璫李廣勢阻遏商人搜括行
李堂爲力禁之中官無所逞歷陞營繕屯田二司輒議免
取畫士及銅鼓人匠革南京蘆洲積弊禁易州廠科罰定

順天府工匠太監墳夫減借薪司僱役及後府柴炭等直
并添差科道官監收巾帽局皮帳咸著爲令適清寧宮災
以郎中承勅督建首請發內帑免徵天下以蘇民困答天
戒羣議工費既定堂抗言減十之五比工成猶贏其十之
三提督英國公張懋尙書馬文升徐貫等聯章保堂公勤
精敏宜磨殊賞有旨陞京職二級堂三疏辭免明年勅建
禮部與修闕里費皆取諸夙羨民用不擾沮兵部之請罷
築京師外城停南京內府不急工役召還燒造饒器內臣
痛抑寧藩濫請及議霸州葦地征租太重元宵燈火糜費
太濫皆切中時宜陞應天府丞會歲饑盜發堂單騎諭衆
咸感泣歸命乃執其渠魁以徇脇從者慰遣歸農四境帖

然陞南京光祿卿改僉都御史提督操江陞工部右侍郎
督修京倉事竣汴徐河患告急勅兼左僉都御史總理修
築而鎮守太監廖紀媒孽之謝病歸閉門纂述者又十餘
年多崇正學其詩有云試看慶歷淳熙傳不在掄魁將相
科學者稱堇山先生子維孝仕終通判孫承嗣進士官主

事

嘉靖志
參聞志

楊文卿字質夫父實以舉人授安成訓導成化初修四明
郡志行於世聞志文卿舉浙省鄉試第一會試第二爲刑部
主事有尹清者夜飲殺人事覺匿豪家賄同飲者張鐸承
之文卿一訊知其誣捕尹清坐以法豪長者爲請不聽通
寇席英王勇白晝殺人邏者不能得追攝賊所過逆旅主

人逮繫之有夏廣才者坐窩主論死文鄉爭之曰廣才迫于凶暴飲食之耳何物之窩竟出之陞山西提學僉事嘗曰考試糊名此以革提學之弊非革士子弊也不自爲弊安用是瑣瑣者哉竟不糊名士無異議毀淫祠更爲社學民俗爲之不變陞山東提學副使以積勞致疾卒文卿外員而內方平居恂恂和易居官門無私謁死後橐無餘貲惟圖書數篋而已子叔達以孝義稱叔通由進士歷官山西左布政使廉儉不愧其父在山西歸餘金鉅萬于公人皆高之

嘉靖志

施應麒字應祥祖童爲孟津縣丞以惠政名自慈谿徙鄞應麒領成化四年鄉薦授懷慶通判開荒田三千餘頃增

子粒三萬石懷慶民張志上疏請開導河渠功未成而志得罪巡撫徐恪檄委應麒疏鑿五龍枋口廣濟河渠凡大小九十餘處造橋設牖二十座灌田二千餘頃民德之陞池州同知建昌饒撫衛爭屯田歲久莫決巡撫命應麒往勘據洪武永樂版籍以斷爭遂息致仕歸歷官二十年貧

如昔

李志

王瑄字宗玉成化十七年進士除臨邑令歲饑白于監司請賑不待報遽發粟吏執不可瑄曰罪在令不在若也每訟至立決未嘗收繫陞南京監察御史尋授長沙知府府故有吉藩屬下暴橫不法瑄至訊其魁白王誅之羣小畏戢儀賓史朝忠與羣閹積不相能適承奉朱泉暴卒誣朝

忠致毒寃不能白瑄爲白之以母喪免瑄天性孝友母失
明日抱持凡寢興飲食必親護視弟性嗜酒多所忤一不
與較推已田宅與之

李志

陳振字時起成化十七年進士宰吳縣治稱最陞監察御
史轉福建按察副使丁艱服闋至京值劉瑾用事諸以事
至京者必執贊其門振獨不往見瑾銜之改官雲南時邊
寇煽亂振親冒矢石勦平之遷苑馬寺卿乞骸骨以山東
右布政使致仕歸後家無餘貲餼粥僅給足不踰戶闕言
不及時事鄉里罕見其面

曹志

李文昭字誠之登成化十六年鄉薦授淮安通判飭已愛
民上下安之鹽城大饑乃說守長屬寮各捐俸入并公私

得米數千石親爲粥活人以萬計沭陽有腴田數萬頃水利不修旱潦俱病文昭爲疏導陂障民甚賴之回回馮啞八爲亂勢甚猖獗巡撫張縉檄文昭監軍鼓勇誓衆平之遷南寧同知監權梧州得羨餘三千金悉籍之官巡撫陳金薦遷潯州知府已而命下得重慶未行況村土官黃文昌倡亂單騎往諭降之以勞瘁感瘴疾不起

嘉靖志

張琦字君玉年十二能屬對弱冠游學吳楚每誦讀至夜分倦甚與其徒相噴水以醒醒則又誦讀宏治十二年第進士時年已及艾矣授大理評事歷陞寺副正有爲僞章者三人罪論死琦廉其狀日以竹布四邊中畫字成文非刻印也遂得從末減司獄官以事落職貧甚至鬻幼女作

歸貲琦卽捐俸十金與之女得免鬻陞知福建興化府事
簡易清靜有古良二千石風以疾力乞骸骨陞左叅政致
仕歸二十年惟以林泉雲鳥爲樂作詩力去陳言雖一草
一木必欲妙出象外乃已自成一家言談者宗之

嘉靖志

魏偁字達卿由郡庠生貢于春官廷試第一授石城訓導
博極羣書以文雄于世爲詩希盛唐風格恒以立言自許
時與學士楊守陳守陞相倡和天性孝友動師聖賢平生
不見疾言遽色與人交溫厚樂易至利誘勢怵則屹然山
立不可動搖

嘉靖志

洪貫字唯卿父性博學擅詩賦貫少受性易學舉成化十
三年鄉試除教鄧州益肆力爲古文詞賦尤有楚漢風格

陞知從化縣復改政和政和有紫陽西山遺迹貫因表章
發揮以經學風勵多士然仕竟不進得下考以歸因擬杜
秋興八首以見志傳至京師李東陽大加賞異因別爲春
興八首以續杜蓋慕擬之也晚結廬東野更號稼翁日取
唐人詩和之殆徧嘗檄主江閩省試多得名士人以爲巨
眼年九十卒

嘉靖志

章珍字文重性喜詩其五言古體學漢魏七言近體學盛

唐書法學宋克而少變自成一家

李志

宋恢字宏之精於詩嘗集天順以來諸名人詩謂之四明
雅集與里中洪常金湜周頌倪光章珍張璟等爲詩社布
衣藜杖攜酒蔬散步林墅間人望之如神仙云

李志

李端字文正性端嚴郡太守禮爲鄉校師規誨整肅爲詩
逼唐人時與金湜倪光魏偁締爲詩社東夷貢使歸懇求
端詩爲贈有肩挑雲影江頭別衣帶天香海上還之句夷
人傳誦焉

嘉靖志

子正華字本素性好義從弟與貢使互市

負其錢十萬罪當死破產爲償得免鄰人子夜入室裂其
布覺而問之曰適舉一子天寒恐兒僵故盜先生布問何
不疾去乃裂爲曰數尺已足正華竟全與之其人垂沒乃
述其事曰李先生真長者正華以城中大宅讓諸弟自居
東臯別業後次子循義爲御史郡守造謁見二人荷鋤入
問之卽其第三第四子大驚正華因自誦其詩云人薄利
名何患老子分耕讀不嫌多太守歎息而去

甬上耆舊傳

高士字克學幼孤好學兄爲吏以賊敗傾已產代償家遂落嘗貫米不得終日絕纓晏如也里人延修郡志謂鄭清之余天錫附權臣陷濟王竑得罪名教程徐爲元大臣身事兩朝俱不當立傳其持議如此晚年兼精于醫謂醫之有靈樞猶五經之有易也遂爲之註

兩上者舊傳

陸偁字君美瑜之從孫登宏治六年進士授監察御史巡按福建山東所至有聲陞福建按察副使巡視海道時海寇充斥偁乃演水戰火攻之法距擊之而又設畫樹防什伍海艘程出入時往來立賞格嚴哨探定保甲邊徼肅然已而汀漳山氓嘯聚爲盜當路者以兵事屬之偁增築三堡據險守要謀賊半至麾伏卒突之又張奇夾擣俘馘無

算及被論免歸監司行部每見咨訪輒縷陳說利害如障陂東湖增石它山堰皆惠利一鄉者

嘉靖志

陸鈞字容之僑子正德九年進士授南京車駕主事中貴濫用黃馬快船裁減殆十之五六累陞安慶知府大祿則爲粥食之全活者以萬計陞貴州按察副使兵備龍里時龍嶽二場軍夷以貿易亂珣往治之繫倡亂者戮之餘皆帖服王景輝者集黑苗入寇鈞馳至檄諭大義衆卽解去歷陞巡撫保定都御史禁侈靡清侵冒固城守世宗南巡鈞倉卒經畫百務立辦中貴索賂不與落職歸卒

嘉靖志

陸鈞字選之鈞弟嘉靖二年進士爲刑部主事與弟編修

鈇爭大禮並繫詔獄被杖

明史文苑附王慎中傳

後以才典章奏改

兵部武選陞武庫員外郎禮部儀制郎中議四郊九嬪親
蠶親籍諸禮討論陳奏莫不當上心者內閣輔臣以圖上
祭器不先闕白大忤意遷福建按察添註副使嘗攝海道
潯故盜藪奸人多以厚貨餌監司闕出爲患獨嚴立禁網
剗剔奸蠹卒不爲諸射利者餌陞河南參政撫民南陽陞
廣西按察使時弩灘猺賊侯公丁雜處胡藍二姓之間相
助爲寇或議大舉兵盡誅之銓曰堅賊黨而分我兵且逆
順難明非計之得也不若計織渠魁而撫其餘監軍者如
其言而弩灘果平陞廣東右布政使以內艱歸卒

嘉靖志

陸鈇字舉之銓弟正德十五年會試中式明年廷對擢一
甲第二拜翰林編修讀書中秘益銳志問學砥礪名節以

爭大禮廷杖預修武皇實錄成進修撰議禮者秉樞修宿
憾遂出爲湖廣按察僉事遷江西參議職司糧儲能釐革
宿弊酌諸郡之贏縮驗物產之登耗而損益上下之又遷
山東提學副使所至敦尚孝弟分別義利才儻而行篤者
引之騶蟲靡麗者黜抑之士習爲之丕變山東舊無通志
則喟然嘆曰海岱山川之宗也聖賢人物之望也六經文
章之祖也惟茲一方之志而天下古今之事備焉吾當殫
茲役矣踰年志成上疏乞骸骨不報遂卒鉞爲文與衍宏
暢詩溫醇婉蓄有晉唐之風

嘉靖志

陸健字文順初爲郡庠生輒白僉事陰子淑悉毀淫祠以
戒香地徙寶雲寺而拓學宮舉宏治十五年進士官貴州

按察僉事乖西苗亂官司莫能致討健首先戎行深入其阻遂平之時御史刷卷者盛氣凌兩司兩司官率俛首下之健獨與抗卽公堂執其奸人用是他御史銜之沒其戰功轉福建副使憤恚卒囊無畱貲

嘉靖志

孫紘字文冕成化十四年進士宏治初爲南京御史忤中官陳祖生被逮赴京論鞫謫膠州判官遷廣德知州卒官紘少貧傭書市肉以養母旣通籍終身不食肉

明史附
姜綰傳紘

爲御史時南都國戚橫奪民田萬計民莫敢言紘稽版籍清還之太監郭鏞犯後湖私渡禁抗章劾罷之其在廣德有鵝鶴產白雛譙樓乳鶴之祥州民爲紀於石

嘉靖志

金洪字惟深父亮南京兵部郎中洪登成化二十三年進

士授靖江知縣以才堪治劇改吳江裁抑勢家剗革狡吏
廣分役以殺其力歲裁冗費銀米凡數十萬公無逋負而
私鮮破家之虞當道爲頒其法通行焉每六察至獨吳江
無訟怪問之郡守曰金令故善撫民也時邑連饑保畱在
任者凡七年陞御史巡按陝西免大小文武官數百員陳
地方便宜十事俱見施行差山東巡按有二巨闢出選武
皇帝婚勢焰薰灼所至需索動以千計洪乃先發一檄盛
稱二使廉正有司宜爲遵奉不許妄有科率損使者賢名
所在張之竟不得肆中官多以家人冒充勇士廢耗月糧
洪奏請裁革每月減糧數千石青州賊戴崇濟南賊楊敘
嘯聚爲患洪卽設法勦平之洪前後裁抑闢宦劉瑾不能

堪揭其名于壁又使人諷之冀以賂謝卒不爲理欲擯之
邊郡而吏部持之得補松江知府瑾怒未解洪前在陝西
出犯婦梁計兒罪瑾言其有私矯旨爲民洪又減松江官
布價司庫闕以布惡言于瑾械洪至京賴案牘明甚竟不
能害子樸進士終職方主事

嘉靖志

陳槐字公輔弱冠魁鄉薦登宏治十八年進士授松溪知
縣巨璫奉璽書至諸令長靡不懾競以餌陷獨槐不爲餌
大興學舍朝夕督課陞刑部主事去士民祠祀之其在刑
部多所平反如白王氏七年殺夫之寃折皇親九奏爭地
之擾乃其大者積資陞武昌知府汰酷吏翦豪民歸王府
侵田于民奪鎮守私侵湖課政績爲諸郡望尋以病乞休

并條陳十三事疏三上乃允正德十三年用薦起知撫州未數月復以病乞休逆濠不軌人情洶洶槐巽然起曰卽須臾死可不擐甲赴耶遂對濠使手焚其僞檄宣告四方乞兵都御史王守仁願爲犄角牒諸郡縣爲聯絡之勢守仁檄諸郡會兵槐獨與吉安知府伍文定先赴遂俘逆黨拱枏等收復九江南康諸郡擢江西兵備副使檻送元惡詣京師時武宗南巡槐獻俘畱都具奏八事帝多嘉納之辰州苗叛當道謂非槐不治奏改湖廣兵備已復以勛勞畱京扈從至通州移病以歸而御史楊材以宿憾中之落職嘉靖初錄平濠功有文綺白金之錫已而守仁被誣竟不得直居閒二十餘年力主楊允恭奏廣德湖田官賦率

得輒折鄉民爲立祠祀之

嘉靖志

包澤字民望登宏治九年進士拜監察御史巡按湖廣奏罷藩臬不職者勒王府侵田歸之民參將趙昇嘗杖殺戍士奪民園舍無敢發問者澤至密以萬金賂澤按之悉如法儀賓蕭璉凌轢諸司王實爲之窟澤曰藪亡格憲非制也盍以聞王愕然出璉就獄所至望風解印綬去時大和宮中官聞澤按部輒戢其下曰毋縱閻羅包老擒汝矣巴東雜出洞蠻難于遙制澤乃度地宜奏設九溪永定兵備諸夷爲之驚服先是澤奉命而出道經維揚運同徐紹先攜千金爲科場關節浙東道僉事張賓私以二子屬皆峻絕之鄞有猾盜詹揀尸者善發古墓事覺繫獄暮夜啖鄰

人袁孟一持玉碗二黃金數定懇澤貸免澤曰此爲盜物無疑當不待教而誅者也亟言于官寘之法澤之執法廉介類如此性孝友二親早世諸弟妹方在襁褓力爲撫字暨宦成積俸置山田四十餘畝爲諸昆弟祭祀營葬之需仲弟浩好施稱于鄉里從弟溥字民敬宏治三年進士授新泰知縣陞南京監察御史以風裁稱轉泉州知府庭鮮滯訟入覲卒平生衣不紈綺食不兼味其死也囊無十金惟敝衣數篋人稱包孝廉云沐字民新以貢授石埭訓導陞汜水教諭卒澤從子梧字子木由舉人通判蘇州時織造中貴怙勢梧獨長揖不屈諸額外取索裁革殆盡心銜之誣奏逮詔獄謫無爲州同知尋陞漳州同知瀕海多盜

梧設奇鉤致捕繫不遺餘力竟奪職歸梧爲友奇詭雄俊

自成一家言澤孫大燿嘉靖三十八年進士

嘉靖志

薛穰字有年朋龜十一世孫舉應天鄉薦授涿州知州歲
大祲盜賊四起穰至鋤強弭盜問民所疾苦而醫療之發
粟賑饑全活者億萬計改知灤州灤水數決築長隄以捍
之遂爲永利致仕歸橐不入私室置業與昆弟共之力行
善事日以粉簡記之仿古人黑白豆之意詩宗唐人書亦

有法

嘉靖志

張泮字味芹由舉人知豐縣以扼于權貴不得伸其志願
改教職爲養母地得汀州府教授汀學久無登賢書者泮
加意造就集講經義激勵而振卹之正德十四年汀士領

鄉薦者四人同官安烜殞於道泮經紀其喪言于郡縣俾得歸葬兩攝邑事以清慎自矢有循吏風

汀州府志

吳惠字仁甫以鄉薦入國學司業羅欽順試權者聖人大用論亟歎賞令多士式之正德六年舉進士改翰林庶吉士授檢討陞國子司業日會六館生講經書奧義辨博詳明嘉靖初侍經筵日講多所啟沃陞侍講學士主順天鄉試日講畢勸省無益之費停得已之役以惠斯民明日上令輔臣問旨惠一一具上大見開納終南京太常寺卿少熟蘇長公文爲大學士李東陽楊一清所稱

嘉靖志

華愛字仁卿正德九年舉進士授南京刑部主事歷南京兵部郎中出守桂林所至有勲績終以直道忤人被劾落

職家居日以詩書自娛精古書法尤工行草爲詩希盛唐

風格

嘉靖志

沈應奇字天瑞七歲能大書名動京師憲宗召試命書皇帝字應奇俯伏奏曰書皇帝字乞賜一几上奇之字復稱旨命授中書閣臣奏應奇童稚當使讀書不宜遽授官遂改送順天府學中正德十四年鄉試與修武宗實錄成授中書舍人歷六年將轉官會卒

闕志

李麟字仁仲宏治六年舉進士歷兵部郎中陞江西參議理刁訟卹滯獄除盜賊職業振舉正德中入賀至京或勸借貸賂劉瑾可得美秩且責償於民麟曰進退有命贖貨獵榮何爲哉竟以忤瑾罰米九百石瑾敗乃釋寧藩恃勢

凌傲麟不爲屈陞廣東提學副使專務經術取士不尙華靡陞四川參政有劉太監者奉命迎佛還自成都勢張甚所至科擾無算麟絕無餽遺省費巨萬陞貴州按察使轉布政使引年以歸

嘉靖志

呂和字克中登宏治十二年進士知臨淮縣歲歉發公帑貸種以賑助之毀淫祠四十五所撤其材葺新公宇僧尼悉還編籍每內使出覈符驗緩急而節量之治其尤橫者由是多假他道以去丁父憂服闋改建平俗喜爭訟和案其豪黠不可化誨者窮治之姦惡斂戢陞刑部主事員外郎山東按察僉事有王尙書弟倚勢殺人當道莫敢誰何竟致之辟長清縣令劉儒內結權貴貪酷靡所忌痛繩之

卽誣和下詔獄久之始白臨清衛指揮柏紹縱暴巡按屬
和治之紹逃之京匿權璫家和差官兵呼于皇城外捕之
得竟其罪遷陝西副使繕漢中寧羌諸城立南鄭金州諸
學酌丁差之規停更番之戍民各立祠祀之進四川按察
使被論落職

嘉靖志

張邦奇字常甫年十五作易解及釋國語登宏治十八年
進士改庶吉士授檢討出爲湖廣提學副使下教曰學不
孔顏行不曾閱雖文如雄褒吾且斥之在任三四年諸生
競勸時世宗方爲興世子獻皇遣就試乃特設兩案已居
北而使世子居南文成送入學世宗由此知邦奇嘉靖初
提學四川以親老乞歸久之桂萼掌銓去畱天下提學官

起邦奇福建未幾選外僚入坊局改右庶子遷南京祭酒
以身爲教學規整肅就遷吏部侍郎丁外艱歸帝嘗奉太
后謁天壽諸陵語及擇相太后曰先王嘗言提學張邦奇
器識他日可爲宰相其人安在帝憬然曰尙未用也服闋
卽召爲吏部右侍郎掌部事推轂善類人不可干以私銓
部升除多受教政府邦奇獨否大學士李時銜之郭勛家
人犯法昇重賄請寬邦奇不從帝欲卽授邦奇尙書爲兩
人沮止尋改掌翰林院事充日講官加太子賓客改掌詹
事府九載考績晉禮部尙書以母老欲便養乃改南京吏
部復改兵部參贊機務帝猶念邦奇時與嚴嵩語及之嵩
曰邦奇性至孝母老不樂北來帝信其言遂不召二十三

年卒年六十一贈太子太保諡文定邦奇之學以程朱爲宗與王守仁友善而語每不合躬修力踐跬步必謹晝之所爲夕必書於冊性篤孝以養親故屢起輒退其母後邦奇卒壽至百歲事寡嫂如事母所著傳說及文集粹然一

出于正

明史本傳

余本字子華讀書不爲科舉文字之學終日危坐諷誦夜則焚膏以繼凡天文地理鍾律象數悉研其奧于正蒙尤深妙契早思夜索若有神授之者嘗言人對聖賢書則心明氣定卽他玩好不能入從此攝伏身心自然有益及門之士校滿其戶時以余夫子稱之年三十提學楊且試以隱辟事大加說異謂必魁天下是年果領鄉薦正德六年

殿試第二人及第授翰林編修時權奸迭興本鬱鬱不得志力求補外授廣東提學副使振策風勵士皆雲起潮州妖巫托廟神以惑衆遂按除之與巡按御史毛鳳忤疏其不法於朝而御史亦搆本御史落職本亦謝事居數年益授徒講說訓迪不倦嘉靖五年復起山東督學陞南通政未幾卒本自幼篤孝能先意承志母喪不入私室食貧稱貸無虛月親族有急傾囊濟之或爲假貸而躬自償焉從兄弟早孤爲之撫養長復室之且給之田

嘉靖志

孫堅字自

新以貢生授四川新寧學正嘗署州事歲饑設法賑救全

活無算妖僧詐爲尼事覺掩捕立柱殺之

邱志

倪復字汝新性端謹嚴教學問務得指歸嘗曰士生程朱

後幸有坦途乃更欲立門戶與抗耶故其說經談理止按先儒成法會而通之爲門人講易及正蒙諸書詞旨洞達聽者莫不悟解尤邃於鐘律潛思默會超然獨得平生篤於孝友親喪哭泣遂成目疾束修之饋不入私室盡以資於弟檢身以禮市肆優場不一履其足人嚴憚之或羣居談謔復至則寂然歛聲善引進名士通政余本其一也諸提學使者咸加賓禮而內江劉瑞尤爲器重云

嘉靖志

戴圭字秉誠潛心易學踐履篤實居常語人曰學要謹獨誠意以修身不怨天不尤人久之則與天一嘗揭諸屋楹曰人中合下渾無我地上原來都是天張邦奇亟稱之都御史汪玉其徒也與親友高會談道理論當世事竟日不

休未嘗出一時俗語易簣之日語子乾曰大學語孟首章
皆是天命之性聖賢之言一轍也又曰我平日所著書却
是有用後來必有知者人稱爲野橋先生

嘉靖志

豐熙字原學慶之孫也幼有異稟嘗大書壁間曰立志當
以聖人爲的遜第一等事於人非夫也年十六喪母水漿
不入口數日居倚廬三年宏治十二年舉殿試第二孝宗
奇其策賜第一人袍帶寵之授編修進侍講遷右諭德以
不附劉瑾出掌南京翰林院事父喪闋起故官世宗卽位
進翰林學士興獻王大禮議起熙偕禮官數力爭及召張
璉桂萼爲學士方獻夫爲侍讀學士熙昌言於朝曰此冷
襃段猶流也吾輩可與並列耶抗疏請歸不允旣而尊稱

禮定卜日上恭穆獻皇帝諡冊熙等疏諫曰大禮之議頒天下三年矣乃以一人妄語欲去本生之稱尊隆鞠育之報臣等聞命驚惶罔知攸措竊惟陛下爲宗廟神人之主必宗廟之禮加隆斯繼統之義不失若乖先王之禮貽後世之譏豈不重累聖德哉不得命相率伏哭左順門遂下詔獄掠治復杖之闕廷成福建鎮海衛璉等得志乃相率請釋論成諸臣罪皆首及熙帝不聽最後謹身殿災熙年且七十給事中田濡復請矜宥卒不聽居十有三年竟卒于戍所隆慶初贈官賜恤

明史本傳

王相字懋卿正德十六年進士由庶吉士授編修嘉靖三年與同官爭大禮伏左順門哭諫繫詔獄杖死相豪邁尙

志節事親篤孝家貧屢空晏如仕僅四年而卒隆慶初贈

官廕一子

明史附
王思傳

少授徒高錢山中每夜灼一燈琅琅誦

不休饑則拾蹲鴟火而啗之或竟夕不眠隣傭厭苦之曰
何物怪孽欲以是博官耶相聞之迄不爲止及讀中秘書
攻苦如寒士爲文根柢六經而步武乎莊列伸紙濡毫頃
刻千餘言諸學士皆奇之從弟杰以進士授大名推官署
府事濬沐兒河盡除貴戚之壅水爲利者開州豪民馬千
頃致厚饋却之旋發其奸罪以治行稱

嘉靖
志

范楙字廷儀正德九年進士官刑部主事陞廣州知府以
覲典入朝會大禮議起與同邑王相等伏闕爭詔四品以
上奪俸五品以下各杖有差遂歸不復出楙兄槐棧皆舉

人鄉里有三鳳之目

聞志

按椽之卒在嘉靖十一年張東沙修郡志距其卒已二十九年而不爲立傳考明史伏闕諍大禮者有刑部郎中范祿無范椽或卽椽之譌耶聞志據其家乘補入今仍之

楊言字惟仁正德十六年進士授行人嘉靖四年擢禮科給事中閱數日卽上言邇者仁壽宮災諭羣臣修省臣以爲責在公卿而不在陛下罪在諫官而不在聖躬朝廷設六科所以舉正欺蔽也今吏科失職致陛下賢否混淆進退失當大臣蔣冕林俊輩去矣小臣王相張漢卿輩皆得禍矣而張璫桂萼始由捷徑以竊清秩終怙威勢以賊良

善戶科失職致陛下儉德不聞而張崙輩請索無厭崔和
輩敢亂舊章禮科失職致陛下享祀未格於神而廟社無
帡幪之庇兵科失職致陛下綱紀廢弛而錦衣多冒濫之
官山海攘抽分之利匠役增收而不禁奏帶踰額而不裁
刑科失職致陛下用罰不中元惡如藍華輩得寬籍沒之
法諍臣如郭楠輩反施桎械之刑工科失職致陛下興作
不常局官陸宜輩支俸踰於常制內監陳林輩抽解及於
蕪湖凡此皆時弊之急且大而足以拂天意者願陛下勤
修庶政而罷臣等以警有位庶可以格天心弭災變帝以
浮謗責之奸人何淵請建世室言與廷臣爭不聽復抗章
曰祖宗身有天下大宗也君也獻皇帝舊爲藩王小宗也

臣也以臣並君亂天下大分以小宗並大宗干天下正統
獻帝雖有盛德非若周文武創王業也欲襲世室名舛矣
如以獻帝爲自出之帝是前無祖宗以獻帝爲禰而宗之
是後無孝武二帝陛下前既罪醫士劉惠之言今乃納淵
之說前既俞禮卿席書之議今乃拂書之言臣不知其何
謂也楊一清召入內閣言請留之三邊特旨拜張璠兵部
侍郎言以璠貪佞險躁且新進未更國家事請罷璠并劾
吏部尙書廖紀引匪人不納有投匿名書御道者言請卽
燒之報可六年錦衣百戶王邦奇借哈密事請誅楊廷和
彭澤等下部議未覆而邦奇復誣大學士費宏石瑤陰庇
廷和詞連廷和子主事惇等將興大獄言抗疏曰先帝晏

駕江彬手握邊軍四萬圖爲不軌廷和密謀行誅俄頃事
定迎立聖主此社稷之勲也縱使有罪猶當十世宥之今
既以奸人言罷其官戍其長子矣乃又聽邦奇之誣而盡
逮其鄉里親戚誣爲蜀黨何意聖明之朝忽有此事至宏
琦乃天子師保之官百僚之表也邦奇心懷怨望文飾奸
言詬辱大臣惑聖聽若窮治不已株連益多臣竊爲國
家大體惜也書奏帝震怒并收繫言親鞫于午門備極五
毒折其一指卒無撓詞既罷下五府九卿議鎮遠侯顧仕
隆等覆奏邦奇言皆虛妄帝責仕隆等徇情然獄亦因是
解謫言宿州判官稍遷溧陽知縣歷南京吏部郎中坐事
再謫知夔陵累官湖廣參議言爲吏多著聲績溧陽夔陵

皆祠祀之

明史本傳

黃宗明字誠甫正德九年進士除南京兵部主事進員外郎嘗從王守仁論學寧王宸濠反上江防三策武宗南征抗疏諫尋請告歸嘉靖二年起南京刑部郎中張璉桂萼爭大禮宗明與聯疏入奏遂蒙帝眷出爲吉安知府遷福建鹽運使召修明倫大典以母憂歸服闋徵拜光祿卿擢兵部右侍郎編修楊名以劾汪鋌下詔獄詞連同官程文德亦坐繫詔書責主謀者益急宗明抗疏救且曰連坐非善政今以一人妄言必究主使廷臣孰不懼況名撈掠已極當嚴冬或困斃將爲仁明累帝大怒謂宗明卽其主使並下詔獄謫福建右參政帝終念宗明議禮功明年召拜

禮部右侍郎遼東兵變捶辱巡撫呂經帝納鎮守中官言將逮經宗明言前者遼陽之變生于有激今重賦苛徭悉已釐正廣寧復變又誰激之法不宜復赦請令新撫臣韓邦奇勒兵壓境揚聲討罪取其首惡用振國威不得專事姑息帝不從尋轉左侍郎卒于官初議禮諸臣恃帝恩眷恣行胸臆宗明持論頗平于諸人中獨無畏惡之者

明史本傳

黃綬字汝文正德九年進士授兵部主事進員外郎武宗南巡偕郎中黃鞏等疏諫下詔獄廷杖八十遷山東按察僉事以親老乞致仕

曹志

陳璧字天瑞正德十二年進士知滁州陞刑部員外郎時錢寧壻齊佐魏彬弟英俱坐死而巨璫奉命清審力欲出

之璧直前爭曰佐受廖堂萬金用鎮陝西陷人死無算英
姦子女因而殺死王長隨法不可縱二人竟論死轉江西
僉事獎廉斥墨風紀肅然布政梁宸坐附逆濠論死巡按
承當道意欲寬之璧曰宸一省長吏乃署僞檄遍移各藩
罪有浮此者乎宸不果釋而當道深銜之乃改調四川已

又勒免官

嘉靖志

周薇字惟翰中正德十四年鄉試時畢太監鎮浙諸舉子
往謁皆庭參薇獨長揖嘉靖中知六合縣太后梓宮葬承
天道經六合所過民疲於役請司多獲罪薇措置有方事
集而民不擾當道上其勞詔賜衣一襲遷同知重慶府督
理皇木所贏金十四萬盡籍諸官遷工部員外郎陞河南

參議未任卒

聞志

沈汝璋字君重正德十四年鄉薦授辰州推官祁寒溽暑必爲衣粥以給囚徒丁艱歸服闋補官武昌會太后合葬獻陵內使督陵工嚴有司見者皆匍匐汝璋獨長揖璫怒委以猝需物刻期不少貸汝璋從容籌畫無不辦璫反推重焉陞鄖陽同知諭降房竹山叛苗薦章七上辭疾致仕嘉靖間倭寇亟議修城編戶疲于供億汝璋鬻產輸金于官勸行雇役法紳士效之貧民稍蘇息焉壽九十二乃卒

聞志

聞淵字靜中宏治十八年進士初授禮部主事已改刑部楊一清爲吏部調淵稽勲員外郎歷考功郎中改掌文選

遷南京右通政嘉靖初擢應天府尹改尹順天累遷南京
兵部右侍郎攝部事薦馬永等十餘人召爲刑部侍郎進
南京刑部尙書就移吏部召爲刑部尙書周用卒代爲吏
部尙書侍郎徐階得帝眷前尙書率推讓之淵自以前輩
事取獨斷大學士夏言柄政淵老臣不能委曲徇及後議
言獄淵謂言事祇任意跡涉要君請帝自裁決帝大怒切
責淵嚴嵩旣殺言勢益橫部權無不侵數以小故奪淵俸
淵年七十矣遂乞骸骨歸家居十四年卒先累加太子太
保卒贈少保謚莊簡淵居官始終一節晚扼權相功名頗
損在南刑部時張璉先爲曹屬嘗題詩於壁屬淵勒石後
堂淵曰此尙書堂也吾敢以相君故爲郎官勒石耶卒不

許明史本傳從弟澤字美中正德九年進士授兵部職方主事

武宗南巡偕同官黃鞏陸震等疏諫下詔獄廷杖三十奪

俸六月世宗卽位錄前諫南巡者陞俸一級歷車駕郎中

守直軍士冬衣給發多後期澤奏請及時給散軍士德之

遷江西布政參議卒澤弟源字立中以舉人知建安縣歷

刑部郎中終衛輝同知

閩志

屠僑字安卿蒲族子舉正德六年進士授御史按居庸關

繕治城堡障隄實軍伍簡戎器考將帥之賢否而舉刺之

武宗詔擒生虎僑抗疏曰虎惡獸也生而致之必有攫其

爪牙者陛下奈何取一時玩不惜民命乎且非萬乘所宜

近語甚切事乃得寢遷保定知府都指揮白璽以稔惡聞

論實斬之總兵陳瑾怙勢恣睢僑不爲屈竟爲瑾所中調
延平治如保定累擢福建左布政使遷光祿大理二卿進
刑部左侍郎遷刑部尙書改都察院左都御史益以風裁
自持自爲御史至都御史始終一節未嘗俯仰于時九載
考績加太子太保卒孝友天至兄保涉江而溺晝夜號泣
竟出其屍負而葬之諸昆季凡七人分俸資之無不得所
者嘉靖志僑爲左都御史居職八年廉潔與周用相似屬嚴
嵩柄政風紀不振擬丁汝襲獄受杖不能去卒謚簡肅明史

附周用傳

葉應驄字肅卿正德十二年進士授刑部主事偕同官諫
南巡杖三十嘉靖初歷郎中伏闕爭大禮再下獄廷杖給

事中潮陽陳洸家居令子柱訐知縣宋元翰謫戍元翰摭洸罪及帷箔事刊布之名辨冤錄洸由是出爲湖廣僉事會議大禮洸上疏言璉等是帝還洸職廷臣交章劾洸且封上辨冤錄請罷洸聽勘洸奏羣奸恨臣抗議大禮將令撫按殺臣請遣一錦衣往意錦衣可利誘也旨遣應驄及錦衣千戶李經應驄焚香誓天與御史熊蘭涂相等雜治具狀洸罪宜斬妻離異子柱絞洸亡詣闕訴帝持應驄奏不下尙書趙鑑等執奏始命覆覈郎中黃綰持應驄議璉等共奏謂洸議禮臣爲法官所中乃免罪爲民應驄尋遷吉安知府母喪歸六年尋掌刑部洸復上書訐應驄等尋因訟洸冤逮洸應驄元翰綰詞連四百人廷訊應驄曰某

所持王章耳必欲直洗惟命刑部尙書胡世寧懲前大獄
乃當應驄按事不實律爲民逾數年洗又令人奏應驄勘
獄時酷殺無辜巡按李美覆勘言死者皆有狀非故殺帝
特謫應驄戍遼東赴戍道經蘇州知府治具候之立解維
去致餽不受十六年赦歸應驄敦行誼好著書數更患難

氣不挫

明史本傳

陳沂字魯南正德十二年進士由庶吉士歷編修侍講出
爲江西參議量移山東參政以不附張璉桂萼陞授行太
僕卿致仕少負才名與顧璘王韋朱應登稱四大家璘應
登羽翼李夢陽而沂與韋頗持異論三人仕宦皆不及璘
明史文苑傳沂爲詩初類東坡亦自號小坡中歲乃宗盛唐謂

少陵七言聲洪氣正格高意美非小家妝飾但才大不拘
後學茫昧特拾其麤耳

明詩
綜

書法東坡及篆隸繪事皆稱

能品

聞志

王應鵬字天宇正德三年進士知嘉定縣魏國弟徐淮橫
行州縣應鵬執其黨治之吳郡通判索長稅金應鵬發其
贓巨萬徵拜御史武宗喜徵行應鵬屢疏諫詔迎烏思藏
佛復力諫奉命清查福建戎政兼理嵯事時鎮守太監崔
某縱部下鄭八李鎬漁利虐民輒擒治之貽書戒厲崔崔
不敢怨出按山東督學畿內戒士子曰學莫先立志近來
士習見儕輩有力學敦行者輒指摘非議必欲于無過中
求有過此忌尅庸鄙徒自絕于君子耳再遷大理少卿嘉

靖改元進僉都御史巡撫畿內以討平王朝相賜金綺再
疏辭曰願陛下畱以待有功適晉寇陳卿侶亂官軍數敗
世宗震怒特改巡撫山西賊懾其名卽解散斬首亂者數
人遷副都御史上疏陳時務謂當今國事未定人心未一
譬若大病初起元氣尙微宜休養生息以俟其充論者昧
此求治太速綜覈之嚴翻成刻核使陛下頻年望治不得
享一日安靜和平之福內閣方獻夫見之嘆曰此當今之
藥石也未幾以臺愆下獄免歸里居臺省累舉耆逸卒不

召用

而上者舊傳參邱志

汪玉字汝成正德三年舉進士授刑部主事轉員外郎陞
湖廣按察僉事攝辰沅兵備永順土官稱兵侵保靖地勅

大臣按治又有爲之左右者玉持之益堅卒正其罪先是
永順昭玉以金貝不受陰令刺客偵之亦弗爲動改巡武
黃會逆濠陷九江斬民欲奔竄玉沿流入斬日夜修城增
埤募民集兵皆感宿而備境內安堵巡按御史毛伯溫特
疏其才節擢榔桂兵備副使強賊王廷鑑爲梗率民兵搗
而殄之歷陞巡撫順天都御史首議別賢否示懲勸以汰
邊將論罷其尤不法者二人畿內賊楊恭倡亂京師震動
玉調參將郝通指授方略不日擒之以病渴懇疏乞休不
允竟不起

嘉靖志

謝汝儀字國正正德九年進士授餘干知縣縣當孔道商
稅不費立計簿稽盈縮額外不入一錢時中貴監督茶稅

聲勢薰灼汝儀棘棘不少阿迄不得肆其暴富民邱氏殺人坐死賄屬者欲出之不聽卒問如律擢監察御史首疏安慶指揮崔文進賢知縣劉源清之功劾外戚陳萬年宦官王堂時春及奸黨何明等罪狀直聲大著尋督直隸三省馬政已又巡按廣西制馭犴犴區畫精詳上疏乞寬假議禮諸臣請誅巨璫谷大用等首觸忌諱人爲廩廩陞按察僉事備兵嶺東擒大盜曾蛇仔轉兵備漳南設防海四策流賊李良武輩聞風解散尋進巡海副使奏設詔安縣安邊館立墩臺蓄蕃兵爲一方保障視臬篆辯陳大淵等死罪二十四人朝議褒之陞雲南參政下車搜剔姦蠹十餘事築尋甸嵩明二城滇南賴焉遷江西按察使便道歸

省適祖母疾卒汝儀喪之過於哀毀遂相繼以沒汝儀平居默默若無所憾否遇事毅然不可犯比死竟不能償宿逋家無以爲養云

嘉靖志

柴經字李常履之孫也正德十二年進士授刑部主事署員外郎轉湖廣按察僉事威信並著有鄭生者以冤陷獄監司嫌其富不爲理經竟直之沅州判官恣酷墨與當路姻無敢問者經輒按治如法歷遷南京都察院右副都御史提督操江兼署大理寺會法司有爲言官修故怨者文致人死罪池州守亦爲前守滅仇家且籍其貲株連者十數輩經皆平反之諸人銜入骨因嗾言官攻之竟落籍歸居官介介門無私交自蜀陟內臺時餘屬修故例饋贖經

一不受

嘉靖志

子應賓由舉人知寧國縣以清廉著陞知福

寧州增築城垣修治火器倭寇犯境以有備挫衄而去州

人德之

邱志

戴鷲字時重登正德十二年進士官刑部督獄見繫囚滯穢令櫛沐以蘇癘有方士能言陰事多驗卿相以下迎致恐後鷲心知其妖檄召訊之果挾採生術遂寘之法遷四川僉事整飭安綿兵備繕樓櫓遠斥候羌戎不敢犯境先是龍州土官以毬結兵備至與同食燕鷲以法束之不少貸涪江當松維襄漢孔道風波洶湧渡每不測鷲造舟三十二爲梁四十餘丈橫亘如坦途以忤時宰奪職家居八年起爲河南僉事尋轉江西參議提督糧儲江西故多逋

糧吏胥緣以爲姦，蠶倣前史年表之例，逐歲而稽姦，不得行。陞副使，備兵饒州，兼督造尙方磁器，窰戶每爭利相殺，蠶爲條畫，禁治爭鬪，遂息。又以不能媚，後相嗾言官論之，坐投閒者四年。起爲廣西右江兵備時，猺獞嘯聚，稱亂。幕府謀大舉兵征之，蠶曰：「此不足煩大兵也。」特密選精銳數百，命指揮林瑞等授以方略，深入仙迴松林，歸化馬尾石田等山，繞出賊腹，大破之餘，黨悉散。歷山西按察使，有奄豎殺人，匿宗室中，吏不敢訶問。蠶收捕付獄，聞者悚息。歷四川巡撫，都御史所隸諸部雖羊腸鳥道，必輕車詣之，問民所疾苦，故老相傳謂二百年來僅一見也。江西舊僚有嫌蠶者，竟以飛謗落職歸。蠶家居，見河渠不飭，作鄞水利。

三敘見貪人利番舶闕出無忌作海防策其言皆鑿鑿不爽鰲精于吏事而負氣高亢不俯首權貴故動見沮抑不竟所施云

嘉靖志

鰲長兄鰲次鯨弟鰲皆登甲科人稱同胞

四進士

李志

戴鰲字時鎮宏治十二年進士知太和縣以才堪治劇調興化適大祿請粟得三萬餘石賑民二萬六千有奇瘞道葺二千三百有奇收遺棄小兒官爲哺養荒政爲諸邑法陞尋甸知府尋故蠻方百度未舉鰲至始築城立學設壇墼置常平倉如中土又縱獄囚張小頭白華等使之捕盜用命有功旣告歸立宗祠以敦讓教族里年八十餘卒

邱志

戴鯨字時鳴嘉靖二年進士授番禺令以最擢虞衡主事

營繕員外郎刑部郎中俱在南京陞江西僉事有考功郎
況維垣欲毀庠垣以廣其宅托李御史爲之請鯨曰況君
非孔子徒耶不許維垣嘆之中以蜚語謫鄧州倅遷同知
汀州陞湖廣僉事歷福建左參議丁外艱遂不出性好書
里居手一編不置郡志自成化後久不續纂乃蒐采補葺
爲一書名四明志徵以其餘爲文獻錄楊茂清授以父所
藏鄉先輩詩文鯨增輯之爲四明雅集

甬上耆
舊傳

戴鰲字時化嘉靖十四年進士以工部主事治徐州洪工
成通商利漕人皆德之四戴中最夭折事父母至孝中夜
嘗數起就牀側伺起居計借時同舟一友染疫衆棄去鰲
獨周旋湯藥旣沒爲具含殮其行義類如此

甬上耆
舊傳

周相字莓崖登嘉靖二年進士知臨川縣發奸摘伏民驚
爲神擢監察御史靈寶縣奏黃河清五十里詔遣太常往
祀羣臣表賀相上疏言河未清不足虧陛下德今好諛喜
事之臣張大文飾之佞風一聞獻媚者將接踵願罷祭告
止稱賀詔天下臣民毋奏祥瑞水旱蝗蝻卽時以聞帝大
怒下相詔獄拷掠之復杖于廷謫韶州經歷而諸慶典亦
止不行屢遷至參政致仕有以遺才薦者起原官晉廣東
按察使陞副都御史巡撫江西會籍沒故相嚴嵩家相監
之奇玩重器山積一無所私踰二年復致仕歸從子汝觀
仕至雲南按察副使

明史稿附楊爵
傳兼采邱志

李循義字時行正華子爲諸生以博洽聞學使者按試遺

落上書自陳卽試以滄海遺珠賦卞和泣玉論循義援筆立成詞義博奧使者大喜登嘉靖二年進士授池州推官召入爲御史出按江西大學士夏言治新第欲徙附近十餘家移書相屬循義不可由是有隙巖嵩聞其事使人諭意請論言開邊事循義曰彼雖嫉我安敢以私害公嵩怒卽改爲衡州知府以疾告歸卒子生威字廉甫登鄉薦爲鳳陽推官汰舞文吏十餘人惟畱木訥者給使與郡守有隙遂歸平日力持儉素衣食如寒士

聞志

趙昊字子明嘉靖五年進士授行人世宗將遷獻陵昊上疏諫謂舜葬蒼梧之野二妃未從願太后少損貞婦之思隆從子之義會廷臣亦多諫者遂止選授御史張璉杜萼

以瑞蓮白雀爲嘉祥表上之吳奏言二物世所常有大臣
以此惑上聰罪在不貰報聞後太后忽問獻陵不遷之故
帝以吳諫止對太后怒命下獄延杖四十謫福建照磨稍
遷池州推官順德同知晉刑部郎出知瓊州時方征黎吳
恐濫及無辜自請監軍諸將憚之無敢妄報首功者以與
監司忤投劾歸其僕攜一小銅鉏吳痛責之曰吾在瓊止
飲一杯水若輩敢私此乎命投之江中

曹志

張時徹字維靜年二十舉于鄉嘉靖二年成進士歷官南
京禮部郎中以副使督學江西簡汰甚嚴會宮廟災嫉之
者謂副使虐諸生所致改備兵臨清歷福建參政雲南按
察使山東右布政使丁外艱歸遷副都御史巡撫四川白

草番爲亂授都督何卿方略乘霧奪險擒其五酋俘斬千
五百人捷聞陞兵部右侍郎又平馬猓番賜金綺復用爲
江西巡撫召入轉左侍郎前都御史商大節以忤仇鸞論
死鸞敗時徹請釋之帝怒奪俸二級尋丁內艱明年倭寇
起吏部尙書李默特疏薦拜南京兵部尙書參贊機務倭
游騎至南京郭外發兵出禦之不利爲臺官所劾勒令致
仕族子邦奇長時徹二十歲時徹嘗受業焉邦奇奇之曰
叔父其代興哉後邦奇掌南京兵部越一紀而時徹繼之
時徹旣家居益肆力於文章著述不少休人謂邦奇長於
經時徹長於子喜汲引後輩篤於存沒素善豐坊陳束二
人死爲刻其遺集沈明臣王穉登皆後進齒卑折節與交

愛才好士蓋天柱也

弁州續稿

子邦仁字孺毅知邵武縣邦伊

字孺覺苑馬少卿皆能詩

前上者舊傳

張時孜字維善時援筆爲詩詞長老大異之舉進士除萍鄉知縣邑當孔道冠蓋雜還時孜不出送迎又不饋餉或諷之則應曰財於民甚急也所爲厚遺達官者將以徼榮耳榮不榮于吾身甚薄奈何以其所甚急易吾所甚薄者耶乃裁冗費鋤豪惡毀淫祠興學校平反冤獄萍人德

之

嘉靖志

豐坊字存禮熙之子也舉鄉試第一嘉靖二年成進士除禮部主事從熙爭大禮下獄廷杖後出爲南京吏部考功主事大計謫通州同知免歸坊博學工文兼通書法而性

狂誕熙既卒家居貧乏思效張璠夏言片言取通顯十七
年詣闕上書言建明堂事又言孝莫大於嚴父嚴父莫大
於配天宜加獻皇帝廟號稱宗以配上帝世宗大悅未幾
進號睿宗配饗元極殿其議蓋自坊始人咸惡坊畔父云
明年復進鄉雲雅詩一章詔付史館待命久之竟無所進
擢歸家悒悒以卒晚歲改名道生別爲十三經訓詁類多
穿鑿語或謂世所傳子貢詩傳亦坊僞纂也明史附孫越
豐熙傳人字正元嗜學工詩嘗見時人行卷多送行祝壽之作輒
唾之曰詩以道性情豈爲汝輩行乞耶故其詩有林泉無
朝市有懷弔無譽頌有流連無媒媪一洗詩家之陋兩上
耆舊

傳

陳東字約之生而聰慧絕倫好讀古書會稽侍郎董玘官翰林時聞東才召視之東垂髫而前試詞賦立就遂字以女攜至京文譽益起嘉靖八年廷對世宗手批其卷置二甲及考庶吉士得胡經等二十人以東曾奉御批列經等首座主張璵霍韜引嫌乃寢前命授東禮部主事時有嘉靖八才子之稱謂東及王慎中唐順之趙時春熊過任瀚李開先呂高也四郊改建都御史汪鋹請徙近郊居民墳墓東疏諫不報遷員外郎改編修東出璵韜門不肯親附歲時上壽望門投刺輒馳馬過之爲所惡出爲湖廣僉事分巡辰沅治有聲稍遷福建參議改河南提學副使東故有嘔血疾會科試期迫試八郡之士三月而畢疾增劇竟

不起年纔三十有三妻董亦能詩束卒未幾亦卒束竟無
後當嘉靖初稱詩者多宗何李束與順之輩厭而矯之束
早世且稿多散逸今所傳后岡集僅十之一二云

明史文苑傳

史元中字鹿泉嘉靖十年舉人知魚臺縣事盜魁簡瑞善
運稍馳馬出沒官道元中以計縛之簡臥庭下瞠目曰吾
左手持稍右短兵橫行千里間今爲書生掩取天也元中
笑曰汝輕書生耶卽起著短衣持其所用稍運之左右迴
旋如舞匹練忽稍斷爲三擲示簡曰汝稍豈足用耶簡叩
頭稱死罪乃繫之獄至冬月將論決簡求見曰身亦山東
男子不敢負公乞假十日一生別老母卽縱之去衆皆懼
及期先一日簡就獄獨山盜劉儀有衆數千開府曾銑議

進勦以元中爲前鋒擇日禡祭畢元中知獨山有謀者在軍乃命植一竿百步外手挾矢誓曰若一舉滅賊當三矢中此竿監司諸將俱色變元中從容三發三中呼譟震地察得謀者三人釋其縛賜以酒食笑謂曰汝來觀吾射耶謀者股栗盡吐賊虛實及所入徑道立提兵襲其寨擒儀還銑大喜方論薦而遷制三邊尋爲嚴嵩所害元中歎曰事尙可爲耶卽日挂冠歸里家貧賣文自給

靜志居詩話

崔源字有本世襲寧波衛指揮同知正統十三年閩浙盜起從總兵寧陽侯勦捕累獲奇功檄禦金華殺賊無算擒陳唐奇等五十人送京署浙江都指揮僉事改檄武義一日火發連營源倉卒遇敵時二弟澄清在營中相與策馬

而誓曰事急矣苟不勝我當死二弟可去澄等應聲曰兄死吾寧忍獨不死乎乃挺身前衆寡不敵皆力戰而死朝廷聞之遣官賜祭俾其子世襲源家居時兄弟友恭斗粟尺幣不以私源或以事歸遲二弟雖日昃不敢先食

成化志

萬表字民望文之元孫襲寧波衛指揮僉事中嘉靖初武科授都指揮僉事累擢廣西副總兵署都督僉事充漕運總兵官僉書南京中府以才望歷爲朝臣所推督漕久國計詘贏河溝通塞靡不曉暢二洪水涸漕舟並阻議者謂黃河改流表著論折之又具疏累萬言極陳本折通融爲國長利而又欲開河北山東圻內一帶荒田重農薄賦爲漸減歲漕之地識者皆韙其言海上倭亂起表散家財募

死士奮欲往擊會以都督僉書南京中府道經蘇州遇倭
婁門表率所募及少林僧挫賊鋒中流矢遺書于子曰我
家世以力戰報國我獨持文墨議論不任兵晚年增一箭
痕不亦美乎時賊據七團八團爲巢官軍數不利表言于
巡撫周琬曰賊據內地久民不得田述日積而徵調不已
相率爲盜是驅之助賊也宜蠲逋弛力懸賞格以招之且
下募兵令土著之餉與客兵等則人人樂歸得士千卽損
賊千也議行歸者寢戶內地稍甦而賊方蜂屯諸烏歛汪
直者以驍勇魁其曹表策其可誘而縛也薦同邑人蔣洲
張惟遠使爲間未及行而表卒後總督胡宗憲卒遣洲以
致直實表本謀也表將家子通經術熟先朝典故與羅洪

先唐順之玉畿錢德洪善武臣中有儒學者表爲著孫邦
孚嗣世廕萬歷中統班軍番上值三殿災率三千人入救
詔毀五鳳樓保承運庫邦孚令軍士併力衛庫樓亦得存
歷官福建總兵官有政聲

明史稿

宋應瀾字汝觀寧波衛千戶中嘉靖二十九年武舉授正
千戶巡視中丞王忬獨奇之命取舟舶於閩應期而至忬
益委以兵寄時苦倭寇調集多客兵獷悍難制應瀾約已
厚下而厲以兵法無不聽命三十二年隸參將盧鏜爲先
鋒戰上海史家浜追賊至海寧二十里亭復從戰平湖戰
白沙戰金山皆有功其遇賊史家浜也兵稍北賊追幾及
應瀾急反馬發二矢皆中項洞額從者飛鎗復殺四人賊

驚退用是每戰必身先士卒竟以孤旅猝當海鹽孟家堰賊不支而死時猶飛刃殺一賊乃絕事聞蔭其子襲職仍建祠城北隅祀之

嘉靖志

葉紳字朝佩寧波衛百戶少習手搏善雙刀嘉靖三十四年五月倭賊五十餘人流入橫石橋紳偕千戶劉英領兵策應至七里店奮刀奪橋獨進羣卒不繼遂爲所殺後二日賊西至樟村千戶劉綱帥兵防邊猝與賊交從兵皆散走綱挺身獨戰復死大吏不報聞故褒卹未之及云

嘉靖志

劉炳字光大世爲寧波衛指揮使年二十二襲職用薦陞福建備倭千總嘉靖二十五年三月福清縣倭賊登陸踞海口鎮炳領兵夜襲其巢賊由古田寧德望海而遷炳卽

提兵循捷徑宵行趨寧德縣石壁嶺要賊逸路比至嶺隘倉卒布列未備而賊已至部伍散亂止家兵數人在側顧懷印者曰亟去爲我保此印歸朝廷吾世受國恩死矣卽挺身執鐵耙格殺三人力盡無援爲賊所殺鐵耙尙堅執不墮詔立廟祀之

嘉靖志

蔣洲字宗信諸生涉獵經史嘉靖中歙人汪直糾衆盤踞薩摩洲之松浦引日本入寇東南數千里皆受其害詔能擒直者予萬金封伯爵都督萬表知洲薦之總制胡宗憲題授提舉俾往招直以陳可願爲副發帑金三百齎藩司咨文往三十四年九月開洋七日抵五島遣僧能譯者宣諭會始受命乃使人招汪直直至殊倨傲洲諭之曰君卽

不念祖宗墳墓獨不爲老母妻子計乎朝廷方急東顧誠能以此時歸歟可保富貴不然倭情貪狡國家縑帛無限懸重賞購汝首悔復何及直感動與偕返松浦日本國以天文王爲主然號令不出國門豐口山後二島又諸島之最雄者直與洲同宣諭次年四月至豐口詰以從前作過島主稽首稱臣因令其檢飭島人毋剽掠五閱月始至山後島主虔奉如豐口送還被掠指揮袁進等馳啟天文王十二月天文王下教所部徧行禁約方洲未至日本時直之黨徐海勾衆入寇以數萬人圍桐鄉甚急洲聞之遣陳可願與汪直義子毛烈先歸諭海海降而其下自相疑貳爲官兵所殲三十六年四月洲同汪直發松浦直舟爲颶

風飄墮朝鮮七月洲與貢使德陽先入當事從之索賂不應籍其舟止兵餉四百書數卷巡按周斯順以直不至劾洲下獄九月直叩定海關願見洲洲方在獄中乃以千戶夏正質其舟直乃詣軍門請罪且言與洲出百死宣諭朝旨自此海患可弭宗憲以好言慰之將爲具奏而朝議大譁給事中徐浦復劾宗憲陰縱蔣洲勾引東倭宗憲懼乃盡易其爲直請貸之疏謂以誘直爲秘計直罪在不赦又疏云蔣洲宣諭日本已歷三年止及豐口山後豐口雖進方物而無印信勘合山口有金印回文而無國王名是洲不諳國體計其擒直合應功罪相準詔誅汪直而直子汪澈毛烈遂殺夏正據舟山征之踰年始去洲出獄茫然自

傷唐順之趙貞吉各爲頌寃皆報罷是時司馬譚綸在薊
招洲參其軍事謝曰洲本書生萬里航海惟欲爲國家樹
尺寸之效乃功成謫興屈捐命之功比贖罪之例洲復何
望哉公休矣綸爲嘆息久之洲子有德爲諸生有聲以貢
授大田訓導邑令段某爲田副使毒死段子訟于朝引有
德爲證副使重賂求解却不受卒直其事遂投牒歸士大
夫咸重其行誼曾孫宏憲亦能詩

曹志參黃
宗羲撰傳

鄞縣志卷十五終